

穆考功逍遙園集

卷

五

第四卷詩類三

五言律詩三十一首

春日同劉誠意遊金泉寺二首

詠百日紅

和拱辰立秋韻

梁子招飲和拱辰韻

山雨

鳳陽道中同袁生作

謁陵

翠微亭次韵寄謝潘刺史同鄉

過舊長垣小憇崇福寺

題劉左史生葬二首

與修志諸君露坐公署適大風雷

和王山人芟荷亭成韵

贈郝画史

喜拱辰在告將歸里中四首

送蔣太守入計三首

閻少府踏早至昨忽大雨喜贈二首

得鶴六首

五言排律一首

詠葉底荷花

第五卷詩類四

七言律詩一百五十二首

秋興八首

春興二首

橋成

看花

惜花三首

花前有感

得張肖甫巡撫恒山報志喜四首

初春得拱辰回卿書因憶滁陽山川之

勝三首

贈別伯完文選兼謝省中知己四首

寄丘太守

夏日尊經閣成竇明府邀登

夏日徐明府邀同伯完吏部登樓

次韵寄元美二首

夏日即事二首

月下聞雁

送雷大夫出守吉安二首

九日讌集宣城伯亭子四首

天津舟中和石給事三首時 駕幸西

山

賞東園牡丹二首

登望豐樓贈徐明府

除夕

元日

同年徐憲使將之陳州過東明與其弟

連渠公聚晤詩以贈之

送王敬美乞歸省親二首

寄謝楚大夫蔡虛菴二首

空菴上人苦詩示之二首

閒行過武上人論禪武蓋可髮僧也

莆田陳本容將詣都下客予園有贈

拱辰與空上人讀佛書兼讀史記詩以

嘲之因與論禪

與占甫夜飲談詩值大風至

寄謝安慶守葉龍塘二首

使者遺元美書而獨以其詩扇画馬歸

却寄

元美被浮言快賦此為慰

答元美謝刻詩

元美公子下第為慰勉之辭

至日

雪後遊真空庵二首庵乃拱辰所施地也

聞敬美柄文關內二首

午日與拱辰士衛飲池上

自魏送陳本容遊越本容善作矮人行為南音若鳥語

晚登東城值大雷雨俄復晴霽

園中與陳本容晚坐論書法

初夏出郭湯輿

自魏送別陳本容因憶震峰張太僕

聞許東過敕里志喜四首

門人崔孝廉書屋有果樹連歲實繁邀予賞之有贈

送門人孝廉崔德嚴對公車二首

寄答唐膳部二首緣其病足未為解嘲南樂柯尹將至敬邑不果擬為池上之

飲

冬日贈閻少府署篆

冬日與汪山人登城有作

贈濞陽楊太守八計

贈邑令亢君八計

贈長洲劉尹八計

寄懷傅湄陽明府

雪中同汪陳二山人賦

遲鴻臺觀蹴鞠

冬日西亭宗正以汪子見貽有古鏡史

漢古字之惠賦謝二首

許冬中丞以汪詩客見貽報謝二首

再贈閻別駕

寄湄陽傅明府二首

贈劉廣文視篆黎陽

拱辰重起家壯太僕贈別四首

得陳本容書有懷魏氏昆季

暑中寄答魏大見懷之作

秋日陳本容自南樂以魏大書兼詩扇
至夜坐賦此

初得魏大擢漳德報志喜

得魏見泉李修吾遷南省報志喜

寄訊魏二懋權使秦中

寄東昌李司理

秋日與伯完登樓憶拱辰四首

嘲南樂陳子三失內子

依韵答劉廣文病中思歸

得許東公書感而賦此公盖以薦石公

致歸而與余兩人為雞黍之約云

許東攜家避水中流有作賦此奉答

成安兩蔡丈以劉生見貽而生談星命

又談兵也詩以贈之

得拱辰書遙謝大司馬張公二首

余山人登城詩以調之

代歌兒自白

兩後同余宗漢遊蘭若因憶石太僕得

車字

聞丘月林起家銀臺志喜

擬與楊道行邂逅境上四首

擬與李伯丞符卿晤於境上

擬再晤余宗漢明府

得四槐王憲使書知有歸思又有太和

之遊却寄二首王先為吏部

得助甫中丞書却答四首末首緣以美

影瑤池相期故為解嘲

與澣東夜飲

邂逅張助甫六首

贈胡丞擢尹無極

穆考功道遠園集選目錄終

穆考功逍遙園集選卷之四

門人文濟李民質

魏郡敬甫穆文熙著

門人德巖崔邦亮

關中子興南師仲選

濠梁汝脩朱宗吉校

子仲裕穆光胤梓

詩類三

五言律三十一首

春日同劉誠意遊金泉寺三首

郭外招提境崢嶸溪水邊長松標海月弱柳帶

江烟鶴下疑聞法猿來似聽禪遠公飛錫後試
問幾千年

又

慚我非仙侶叨同李郭船山花將暮靄野竹蔭
春泉倚杖臨丹壑褰衣謁梵筵風塵吾倦矣閒
問野狐禪

又

才子劉公幹勛庸奕葉傳黃金輕佩印白社重
安禪花鳥添幽興江山入綺筵勝遊良不偶紀

石白雲顛

詠百日紅

炎夏即舒彩涼秋始墮紅園葵同早日籬菊共
西風元白先生義雷陳膠漆衷願言君共我長
醉此花叢

和拱辰立秋韻

大火西流日郊園秋氣清靄從黃葉下涼自白
雲生籬菊含新蕊池蓮墮舊英耽詩復病酒碌
碌竟何成

梁子招飲和拱辰韻

良夕開新釀相邀此共君情深偏縱飲酣極故
披襟藻思饒清夜豪歌低莫雲秋宵何太促天
外曙光分

山雨

荆南驅使馬村樹忽鳴鳩一夜花饒笑千溪水
急流雲深失遠樹沙碧見羣鷗窳莫烟波裏鄉
關起暮愁

鳳陽道中同袁生作

路入皇陵近山城帶遠村柳迎天際馬花照
客中尊鄉思愁何極詩懷喜共論故園簾外艸
此日怨王孫

謁陵

迨邇長陵踞川原入望竒梅花臨水岸松子
落人衣樹古虬龍遍林深鳥雀稀御碑田翰
藻讀罷不勝悲

翠微亭次韻寄謝潘刺史同鄉

開筵臨絕巘客子為淹留杯酒同天際鄉關共

道一園集選 卷之四 三 言中九玄
帝州楚山當坐出淮水夾城流千載龍飛地乾
坤作壯遊

過舊長垣小憇崇福寺

野寺荒城外停車此暫遊殘碑餘古篆廢苑出
高丘淡靄晴將斂寒溪靜不流遺風三善在今
古一含愁

題劉左史生葬二首

浮生稱不諱爾見獨超然一笑輕人世千金作
墓田但期成馬鬣不假象祁連自是達生者南

華未可光

又

荷鋪千年事君能繼後塵開阡分別世表隧自
令人脩短憑物數蜉蝣寄此身翻嫌甲子過次
第復迴春

與修志諸君霑坐公署適大風雷

明府崇文事清秋史館開虛膺元凱任寔謝子
長才牙帙侵明月霜毫駐晚雷何當為霖雨四
野淨氛埃

和王山人芟荷亭成韻

小館落成日清尊對客開
菰蒲交掩映水月足徘徊
不厭蓬蒿長何妨燕雀來
酒闌歌白苧涼意襲霞杯

贈郝画師

老子耽幽興循崑汗漫行
麻衣形竅古竹杖步猶輕
畫理宜玄妙湖山本性情
隔籬延望久重與坐班荆

喜拱辰在告將歸里中四首

遙聞旌節至喜意欲翻飛
斗酒秋前釀園蔬雨後肥
相逢看白髮問勞拂征衣
處家山好相將共掩扉

又

君茲來滁水我久卧衡漳
龍氣經年合機心此日忘
花時餘酒盞吟處有奚囊
野老來相訪不必語行藏

又

晏坐獨支頤懷君正此時
批鱗心自壯伏櫪數

還竒骨體終難試雄飛安所之歸來秋正好明月若為期

又

只尺陪都近長江入望流風濤君已見舟楫欲何求寄興歐陽酒傷心王粲樓故園松菊在從此可優游

送蔣太守入計三首

海甸昇平日乾坤大計年循良高四輔聲價動三銓馬首風雲合螭頭日月縣黃金褒異等不

數昔

又

天雄新岳牧玄武舊風霜但道無豺虎何須下鳳皇雙旌行自得五馬去昂藏聖主臨軒喜忘私未可量

又

魏博原雄鎮維揚自俊人清風縣郡閣膏露遍河津問俗心無苦褰帷地有春寰中群后在治行可誰倫

閻少府踏早至明忽大雨喜贈二首

明公辭郡閣行役及河陰馬首方衝早車邊已
作霖野田鳴洧水鴻雁罷哀吟不盡憂時意相
將話夜深

小賤彌大地無麥復無禾雲漢回終夜流止盡
兩河風雲初命駕滄海頓迴波戎亦為農者行
吟一負集

得鶴六首

唐人有失雀六首其首句第七句皆同我明
孫太白倣之有作皆膾炙詞林余茲得鶴乃
翻案作六首竊附反騷之意云

只在秋江上何人羈致來羽毛猶救殺神意已
徘徊啄雪清何限向人雅不猜此時真羨汝遼
海興幽哉

二

只在秋江上塵寰却有期臨霞意自遠闔月影
偏竒賸助花間采還於水澤宜此時真羨汝似

閻少府踏早至明忽大雨喜贈二首

明公辭郡閣行役及河陰馬首方衝早車邊已
作霖野田鳴洧水鴻雁罷哀吟不盡憂時意相
將話夜深

小賤彌大地無麥復無禾雲漢回終夜流止盡
兩河風雲初命駕滄海頓迴波戎亦為農者行
吟一負簑

得鶴六首

唐人有失雀六首其首句第七句皆同我明
孫太白倣之有作皆膾炙詞林余茲得鶴乃
翻案作六首竊附反騷之意云

只在秋江上何人羈致來羽毛猶救殺神意已
徘徊啄雪清何限向人雅不猜此時真羨汝遼
海興幽哉

二

只在秋江上塵寰却有期臨霞意自遠闔月影
偏竒賸助花間采還於水澤宜此時真羨汝似

解我吟詩

三

只在秋江上幾年今始歸琴中調自古画裡態
還非仙骨偏宜瘦風翎不欲肥此時真羨汝信
我已忘機

四

只在秋江上遨遊趁海風雲摩背上白霞色頂
間紅相應浮丘伯主原陸放翁此時真羨汝華
表意何窮

五

只在秋江上青田會始成頸長故善舞性慧乃
多鳴虛擬軒中貴寧知物外清此時真羨汝駕
我上蓬瀛

六

只在秋江上九皋不礙聲蘇耽乘作騎魏野締
為盟白雪音常在丹砂煉已成此時真羨汝相
對學無生

五言排律一首

詠葉底荷花

芙蓉開小院隱約照漣漪披葉紅方見搖風艷
始知如何傾國色猶自向人遲吹水魚爭躍蒸
霞日未歇山蜂平沼度黃蝶偏枝疑獨有幽香
遠輕颺遍酒卮

穆考功逍遙園集選卷之四終

穆考功逍遙園集選卷之五

門人文濟李民質

魏郡敬甫穆文熙著 門人德巖崔邦亮

關中子興南師仲選 濠梁汝修朱宗吉校

子仲裕穆光胤梓

詩類四

七言律一百五十二首

秋興八首

小樓獨坐夜沉沉秋色冷然思不禁節候催人

添白髮圖書伴我足高吟
逃身久罷元王醴戀
主還多杞國心老去方知禪意好時々玄度一
相尋

風前處々響秋砧病裏俄傳七夕臨天上女牛
遙度水人間綵線又穿針但看巧拙終成刃自
覺塵埃不繫心明月一庭堪俯仰何妨白露濕
衣襟

孤亭裊々帶烟蘿一徑惟堪二妙過寶樹石郎
真自罕連城趙氏未須多博前賭勝爭呼采醉

裏乘歡共放歌自是同袍堪聚晤那知世外有
風波

秋風瑟瑟滿吾廬乍見長林木葉踈天際聰翻
來候雁池中踊躍出遊魚降心不撫床頭劍調
息時開枕內書閃々高城月欲上清光遙對意
躊躇

十載豪華一夢徂每逢秋色漫嗟呼開園抱甕
新居士作賦登高舊大夫乍見煖風生綠艸旋
看寒雨落青梧年光來往渾如擲始向南華悟

聽鮪

年々病肺不勝秋此日還堪倚杖遊當戶假山
原碣石環階剝水即滄洲孫登嘯罷風生巘庾
亮吟成月滿樓寂是相從詞客在無煩白雪郢
中求

曾入燕臺市駿圖歸來十載卧江湖跡同元亮
便三徑宅擬楊雲卜一區床上有書供偃蹇花
前得酒足歡娛興來時鼓湘靈瑟不向齊門問
好筭

萬里西風望日寒美人何處倚層巒王陽險後
堪驅馬平子哀餘且上壇紫塞風清閒扇豹金
門露下集鵷鸞太平合屬幽人領漳水月明一
釣竿

春興二首

別圃逍遙歲幾多春風長日擁漁簑移文不負
北山檄詞賦聊為下里歌花底晴雲來仲蔚酒
邊明月遲羊何忘機鷗鳥時堪下門外無須問
雀羅

著作頻年苦不成空教閉戶老虞卿青苔又見
闌干長黃鳥時聞睨睨鳴歲月蹉跎雙鬢短乾
坤俯仰一身輕同心二仲俱詞客明月新詩取
次賡

橋成

岸幘何來一杖藜小橋新構跨清谿臨流下見
長虹出倚檻遙看碧樹齊潘岳閒居今日賦相
如馬異時題幽情長日無拘束汗漫尋花過
水西

看花

今年花事倍常年正值春光欲莫天過雨天桃
紅暎水臨風細柳裊含烟山蜂趁日芳叢外竹
鳥駟人曲檻前窠是良辰容易度不妨尊酒共
流連

惜花三首

花擁雕闌色：新杖藜長日往來頻繁華着雨
千般態郁馥搖風百和勻江上虛傳桃葉渡天
台何處武陵春惜花但恐花飛去歡極翻令一

愴神

何處耽春坐不歸海棠樓上正西暉盈、霧白
闌邊合藹、霞從樹裏飛共惜紅芳當爛熳獨
憐春色已霏微晚來秉燭還相對明日應知花
事稀

園花開徧影婆娑可奈春光無幾何一夜驚風
吹欲盡半池春水落還多辭條自覺成塵土過
眼誰看是綺羅物理難憑增感慨好將世事付
吟哦

花前有感

馬蹄幾看上林花回首春風感歲華蝴蝶莊周
俱夢勾青山謝眺足生涯遙天目送雲間鶴長
日心歸水上霞三徑闕殘開落事東門擬種邵
平瓜

得張肖甫巡撫恒山報志喜四首

開府黃麻出禁闈恒山千里待雄飛屬中紮塞
俱天險望裏漁陽是帝畿君自重關橫鎖鑰
我從同調想音徽它時倘過蓬蒿里十日平原

願不違

蜀客蕭條歲欲徂好音南下動三吳詩名海內
張平子節鉞中朝漢大夫地近長城稱保障人
同白社有江湖何時一借筵前箸為畫和戎善
後圖

劍門當日返歸鞍每向羊腸嗟踞難江左列卿
初振羽中原督府再登壇豺狼自避張網路野
客寧彈貢禹冠通德家稱表里閑至今風雨逼
人寒

賓從長江出祖筵班生想見是登仙熊軒遠自
金陵發庠橐遙依紫極縣易水寒風還昨日叢
臺俠氣已千年此中大有吾曹在詫見雙龍燭
斗邊

初春得拱辰回卿書因憶滁陽山川之勝

三首

滁陽千里報書來正值寒梅逐歲開白髮無須
悲物後青春且自試詩才城邊泉水甘如昨山
下江流去不迴羨爾官閒當此地醉翁亭上幾

徘徊

環滁何處是高峯
詞客登臨湧倚筇
文物六朝惟斷碣
皇圖十世自飛龍
夾江想見旌旗簇
弔古深知感慨重
却笑狂夫多逸興
側身南望欲相從

春滿滁山紫氣鍾
美人何處寄行蹤
峯頭南北無全楚
澤畔風雲有卧龍
酒出釀泉知味美
亭名豐樂想時雍
使君大有匡時畧
拱辰曾有會
使歐陽此再逢

贈別伯完文選兼謝省中知己四首

濁酒園亭月上初
不堪別意共躊躇
三春花鳥傳觴外
千里風雲擁傳餘
華省須君重啓事
青山愧我未成書
他時倘有懷人意
不斷鴻音問索居

河梁折柳別同袍
夾岸桃花擁去舫
抱病故人還叔夜
掄村仙吏自山濤
即看省署風雲滿
不盡盧龍氣色饒
却憶同時霄漢侶
因君豈亦問蓬蒿

幾載家山共掩扉時、尊酒未相違忽看鵬翼
三天起更作圖南萬里飛驛路鶯花迎劔佩薊
門山水落音微馬前已見春風轉芳艸王孫何
日歸

五陵當日結時髦一字同聰御踞鑣三至俄然
成市廛十年那復問漁樵士逢知己身堪許客
有神交夢不遙因尔為傳相憶句欲將尾礫博
瓊瑶

寄丘太守

五馬曾臨處士家班荆長日坐烟霞酒杯晤語
歡如舊池館淹留興愈賒一別寒風吹木葉幾
回芳信託梅花猶憐詩句傳來好把對疑瞻玉
樹斜

夏日尊經閣成竇明府邀登

飛樓結構與雲齊明府邀賓喜共躋捲幔人如
天上坐開尊酒似日邊携當簷星斗紛堪掇繞
戶河山近不迷我欲著書來此地書成端不負
青藜

夏日徐明府邀同伯完吏部登樓
 縹緲層樓四望開一尊長日此徘徊千章夏木
 環朱拱百丈飛霞散酒杯宓子久多琴裏暇山
 公新向日邊迴追隨二妙歡無已一任蒼茫曙
 色催

次韻寄元美二首

詞客風流自古今不妨龍卧幾時深相如病後
 空梁苑莊烏歸來罷越吟河朔藝場吾北里吳
 天聲價爾南金已知揮手人間世萬里詩盟可

共尋

湖山處々綠陰齊長日登攀藉杖藜雲斷青天
 迴鶴鶴兩餘白日帶虹霓階前草樹懷人意壁
 上琳琅憶舊題吐尔春光歸寂莫桃花不負武
 陵谿

夏日即事二首

小洞迴環暑氣微坐來紈扇未須揮涼侵卷帙
 神增爽風通筠簾雪欲飛性定不吟霹靂引身
 閒常挂薜蘿衣却從靜裡看今昔何用梁鴻賦

五噫

筍輿出郭湯行遊身外盈虧百不憂看水時携
桃竹杖採蓮常似木蘭舟長林鳥語天光暮村
落人喧麥事秋更喜夜來新雨過可知禾黍足
甌窶

月下聞雁

岸幘池亭共酒杯蕭然秋氣正悲哉高城落木
臨風下遠塞新鴻向月來遊子荷裳堪自製班
姬紈扇未須裁塵心種々歸無語坐看天南斗

柄迴

送雷大夫出守吉安二首

燕臺乍喜得逢迎忽向河梁賦遠行南國綰符
新領牧西臺執法舊稱平孤帆搖曳江天遠五
馬行遊郡閣清三楚從來多俊士循良好著漢
時名

秋水寒光照錦袍爭誇領郡借英髦回看漢闕
恩波迴遙下豐城劍氣高吳楚山河元錯落東
南民力近蕭條到來正是陽和日問俗無辭撫

字勞

九日讌集宣城伯亭子四首

何處登高壯客懷宣城亭子帝城隈酒杯倒暎
仙人掌麈尾平臨鵙鵲臺木向風前紛葉下菊
當歲晚自花開他鄉兩度茱萸酒惆悵看雲意
轉哀

連雲甲第自王侯佳節招攜共此遊草樹龍蔥
占勝地亭臺竊厯見深秋懷高不用風吹帽興
劇惟應花滿頭莫笑黃金輕買醉吾生滄海一

蜉蝣

亭子峻嶒何壯哉憑闌遙見郭隗臺黃金舊事
無須問綠酒新詩且共裁香氣襲人籬下菊清
光浮月掌中杯酒闌忽聽關山曲笛裏秋聲起
莫哀

木落天空望目踈秋來久絕故人書相思欲送
登臨外感慨翻生酒興餘採菊陶公應嘯傲倚
樓王粲自躊躇即教開口天涯笑夢裏家山夜
不虛

天津舟中和石給事三首時 駕幸西山
六龍西駕彩雲深誰為君王賦上林
楚客空憐存白壁燕臺浪自說黃金
無邊春艸懷人意不盡河流戀主心
且向漆園聊卧病一尊相對薜蘿陰

海門東望俯鮫宮海氣蒼茫接遠空
鷗鷺忘機能下客波濤有信不關風
扶桑遙指三天外日馭常懸只尺中
聞道甘泉行幸罷不知誰更是揚雄

蕭々風雨送黃昏旅客愁多早閉門
浪跡已知成斷梗新詩且共賦清尊
他鄉生死同袍在萬里提攜一劍存
不用寸名知狗監相如從此卧文園

賞東園牡丹二首

落盡春紅草樹遮小亭始見洛陽花
盈々秀色籠朝日裊々新妝倚暮霞
時序寧須論早晚天香元不競繁華
相看一咲俱成醉姚魏當年未足誇

爛熳花光殿晚春更從清賞得高人浣紗莫浪
傳西子傾國惟應數太真錦帳藏時憐綽約彩
毫題處見風神回頭却笑閒桃李已作東風二
月塵

登望豐樓贈徐明府

傑閣登臨四望遙恍疑身世出層霄霞明彩棟
晴朝雨風送湘簾湧暮潮林鳥間關春事動簷
花歷亂錦雲飄極知民隱關心處漢史聲名未
足高

除夕

尊酒徜徉落莫曛篝燈重與坐論文并沉世事
何時定新舊年光此夜分柳上春風初浩蕩梅
邊香氣已氤氳傷心欲話明朝事柝韻蕭蕭不
忍聞

元日

柝盤柏酒共嘉辰回首浮生感慨頻萬事寰中
紛過鳥十年林下一歸人俄聞簫鼓傳村社還
向鷓班憶紫宸白髮漸多吾老大不堪南陸又

回春

同年徐憲使將之陳州過東明與其弟蓮渠公聚晤詩以贈之

由來官路苦飄蓬伯仲那期此地逢
明府漆園新握篆使君河洛舊乘驄
封疆一葦分南北羽翮中天接雁鴻
我亦當年曾附驥艸茅重得挹光風

送王敬美乞歸省親二首

少年彩筆客京華即見詩名數大家
忽爾鱸魚生遠興等閒雪夜返孤槎
吳天雁去空寒雨燕市歌殘有莫笳
寥落不堪回首處黃金臺上月輪斜

游子氣何豪奕世家聲有佩刀
方喜共聰霄漢珮寧知即度廣陵濤
倚閭白髮情元苦迴馭王陽念自勞
我亦欲歸未得送君有淚濕青袍

寄謝楚大夫蔡虛菴二首

三載論心駿馬臺君家兄弟日趨陪
銅車自領

專城去錦字初憑一雁來
白雪郢中堪和曲青
春雲夢好銜杯獨憐卧
病文園客千里懷人詩
漫裁

燕市交情獨有君
每從杯酒接氤氲
各天風景悲岐路
隔歲音書喜乍聞
鸚鵡洲邊芳艸合
漢陽城外大江分
此中何限相思意
獨倚高臺眺暮曛

空菴上人苦詩示之二首

淒迷草樹暗柴關
衲子中年挂錫閒
法雨不隨花落去
慈雲時共鳥飛還
徒誇舊業三乘易
却苦新詩七字艱
猶是會心人未遇
不教明月滿千山

高臺晚坐獨支頤
時有山僧來問竒
已共陶潛常結社
何論惠遠不工詩
語空色相為玄品
調入青冥是遠思
遙想杜陵當日句
驚人千載自吾師

閒行過武上人論禪武盖有髮僧也

連朝積雨淨秋容
乘興探幽藉短筇
一片落霞

銜睥睨半池寒水被芙蓉橋邊有寺溪為扁竹
下逢僧杖是龍何處題詩留作偈門前初種萬
年松

窈窕城隅隔市喧豈花藤蔓見空門平生浪喜
談三昧此日初聞話六根道在何妨僧有髮悟
來翻愧客乘軒塵心種種歸無相涼月蕭蕭玉
露繁

莆田陳本容將詣都下客予園有贈

隔歲別棕喜乍舒憑陵彩筆近何如劍鋒自悟
張顛草石鼓兼傳史籀書客裡秋風一榻外行
邊寒雨片帆餘知君到處名逾重洛下人爭款
應徐

詞林太史有遺編翰墨淵源更入玄玩世聊為
淳化號成名不借永和年天門龍跳原非偶海
上鴻遊詎浪傳翻恨清時無遠畧不教書記赴
燕然

拱辰與空上人讀佛書兼讀史記詩以嘲
之因與論禪

黃葉鋪堦了不除山僧相對日如：已探鷺嶺
法王藏更檢龍門太史書百戰功名覺處妄千
人辨口悟來虛惟應共理蒲團業時看寒湫月
上初

佛門何處是真師才說談禪便未知法彌蓮花
原象教文傳貝葉總心期青天不動雲歸後碧
海安流風靜時悟裏渾忘身世在塵埃無樹著
菩提

與占甫夜飲譚詩值大風至

環臺草樹鬱菁蔥嘉會真憐此際同坐久遙天
來皓月吟成大地起雄風更從昭代論詞品自
許塵埃見國工鼎足未能吾白首惟餘長劍倚
晴空

寄謝安慶守葉龍塘二首

十載羊腸已倦遊俄傳領郡借才猷江分吳楚
為雄鎮地擁神京是上游斗氣不沉雙寶劍康
莊終試五驂駟感君到日無多暇早有音書問
釣舟

傾蓋當年事已奇更於霄漢幾追隨
 直名頓向批鱗起俠氣兼從說劍知
 一別羅浮空有夢十年漳水杳無期
 循良何日徵黃霸惆悵天南歲暮時

使者遺元美書而獨以其詩扇画馬歸却

寄

南客書憑過雁裁書沉獨有雁飛來
 扇頭詞賦看明月卷內驂駟識上村
 萬里行藏歸想像各入懷抱總遲回
 江鄉此際春何限驛使重煩寄

折梅

元美被浮言快賦此為慰

行吟不用學三閭世事浮雲自卷舒
 市廛讒成堪自咲屠龍技在好誰如
 湖停范蠡歸來棹壁挂王陽險後車
 絕筆千年無信史青山且續未成書

答元美謝刻詩

漢代詞華屬子虛雄文那得似相如
 十年燕石藏函久千里青蠅附驥初
 紫氣長臨關尹地月

明時響木難踞還須置我祗園畔風雅從君乞
五車

元美公子下第為慰勉之辭

天馬昂藏渥水涯三吳那不避英姿延津准擬
龍先化合浦何應珠再遺家學龍門傳史日衣
冠江左繼聲時黑貂敝盡錐堪引翹首南天翼
大垂

至日

曉起寒齋意爽然攝衣遙謁五雲邊節當葭琯

浮灰夜客憶符臺侍從年輦道鸞行霜下集郊
壇龍馭月中還宮梅苑柳俱含色幾向陽春和
郢篇

雪後遊真空菴二首菴乃拱辰所施地也
郊關霽雪淨氛埃一刹俄然對水開四野疑看
銀漢下高城儼見玉山來虛傳廬岳曾飛錫真
羨沙門此渡杯一笑相逢緣不淺新詩好為惠
休裁

郭外茅堂野色漫門前峰勢鬱嶙峋風驚簷溜

時成響凍結林冰午未殘時有木冰偈語談來超貝
葉冥心坐處失蒲團主人即此堪成悟不信從
前是宰官

聞敬美柄文關內二首

蘭省當年識大家雄飛今始動黃麻一官攬轡
還驄馬三輔傳經有絳紗斗下青萍時自起秦
庭白璧久爭誇昆明池畔支機石拍點全歸上
漢槎

吳楚何辭擁傳勞清時共羨領時髦人才自數
三秦盛伯仲同推六代豪藻鑑湟中空駿馬壯
遊華頂駐旌旄五千言後重堪著會見關門紫
氣高

午日與拱辰士衛飲池上

午日綠陰遍水湄池臺高下散襟期乘舟競渡
非吾事覓艸爭雄見爾竒舊賜齊紈堪自捧新
裁吳紵雅相宜只從近侍歸來後每到佳辰有
所思

自魏送陳本容遊越本容善作矮人行為

南音若鳥語

綠陰池館坐班荆客子南歸渺去程醉後侏儒
空有態花時鷓鴣已無聲中山兔盡揮毫去越
水鷺肥載筆行書法如君稱獨步乾坤何處不
逢迎

晚登東城值大雷雨俄復晴霽

睥睨迢遙一徑通漫從杖外倚長風縱觀寰海
神偏王搔首雲霄氣自雄雷雨俄然成變態樓
臺詫見入空濛晚來霽景還無恙處處新蟬落

照中

園中與陳本容晚坐論書法

客子無勞賦遠遊亭臺夏日可淹留清波不斷
臨池水白雪長飛翰墨樓鳥下閒庭俱是篆蝸
緣空壁半成蚪若教大有驚人筆意象天然可
更求

初夏出郭漫興

高臺一曲帶迴灣乘興扶藜此陟攀遠樹蟬吟
初嘒、深巖花發尚斑斑、灌園野父時臨甕穫

夢人家不掩關樂事滿前堪自賞桃源浪說有
人寰

自魏送別陳本容因憶震峯張太僕

高臺五月送君行濁酒淋漓各愴情久客夷門
生俠氣乍歸南國起詩名魯胡疑在金堪試季
子裘存婦自迎十載林泉吾尚健相煩千里報
張卿

聞許東過敝里志喜四首

風雲千里逐征車消息俄傳渺慰予北闕遙辭
廷尉府南中暫典禮官廬聲名白璧堪誰抱心
事浮雲迴自舒濁酒預開蘿月下可知相對益
躊躇

當年燕市結英髦沱水旋看擁節旄季子每慚
無縞帶范生深荷有綈袍浮雲不定人間世寶
氣難沉匣裡刀若語酬知堪自許酒徒誰復是
荆高

漆園城畔有高臺忽枉中丞結駟來兩地相思
頻入夢十年別緒一傳杯情深握手看華髮歡

極論心坐綠苔更欲隨君明發去片帆飛度大河隈

先茅南下慘離懷滾滾黃河入望來地自龍門開舊險天連兔苑出平臺封人詫見元戎至錦里何論駟馬廻去々留中無計日主恩常憶侍臣才

門人崔孝廉書屋有果樹連歲實繁邀予賞之有贈

碩果重看盛草堂主人邀客此飛觴明珠歷々含朝雨紫綺輝々蕩夕陽總為詞林將獻賦故教物態早呈祥因誇手澤吾曾有隨意筠籠摘不妨

送門人孝廉崔德巖對公車二首

柏酒逢迎歲序新遙憐之子踏芳塵行邊柳動漳南色到日花明薊北春策向治安傳賈誼人從達旨識崔駟遙知合殿香飄處會聽臚聲下紫宸

河梁載酒一躊躇千里風雲送別初紫馬長征

看自得公車重上定何如穿楊技盡當場後彩
筆花生就日餘家是彭宣門下好也因氣色及
樵漁

寄答唐膳部二首緣其病足未為解嘲

書札依然自友生何勞萬戶抵韓荆還知玉案
投人意故是金臺識駿情難後漸離餘俠氣歸
來季子有高名秋風無限閭江水儘可逍遙結
鷺鳥盟

蕭々鴻羽自昆陵把對花前意不勝一代文章
推世業十年禮樂見飛騰鈞陳定許收神馬滄
海何妨息大鵬宸是跛來堪偃蹇湖山隨處倚
蒼藤

南樂柯尹將至敕邑不果擬為池上之飲
池上逍遙趁晚風不妨隨地坐菁蔥當筵倚醉
吾山簡抵掌論詩爾國工樹色遠連旌旆起荷
花深映酒杯紅晚來相送郎官去馬首重來知
是驄

冬日贈閻少府署篆

至後晴光上柳條時看領綬借英髦機邊乍製
神君錦匣裡深函別駕万不厭踈狂來栗里漫
從杯酒結詞曹枕中更有調生訣誨我何當返
二毛

冬日與汪山人登城有作

窈窕孤城一迳開蒼藤共倚足徘徊天當晚歲
飛霜候人是梁園賦雪寸結陣寒烏凌睥睨戰
風黃葉下崔嵬長歌不盡登臨意欲借餘霞入
酒杯

贈滌陽楊太守入計

子雲為吏故應賢卧閣風流獨草玄滌水花時
行霧冕燕山雪後入朝天功名渤海傳芳日恩
寵黃金加賜年况是攻文官自起故人翹望五
雲邊

贈邑令亢君入計

鳧舄翩翩度曉霜令君此去覲明光邑名戶牖
原三輔人自并州故大方冠冕共隨周岳牧聲
華爭識漢循良可知 聖主臨軒日預有黃金

表夕郎

贈長洲劉尹入計

茂宰風流入計年
遙看旌旆出吳天
舩艖暫泊淮南月
騶裊長嘶冀北烟
循吏倪寬原上考
清風劉寵故辭錢
里中三日平原酒
遲爾聲華玉陛前

寄懷傅湄陽明府

傾蓋何妨願未舒
神交早已慰雙魚
辨從稷下千人後
地是聊城一矢餘
為吏江鄉當入計
揚

旌海上故經閭歸來倘渡漳河水
激楚煩君一

奏予

激楚傳毅
舞賦曲名

雪中同汪陳二山人賦

寒風吹雪滿城隈
漫倚蒼藤眺眼開
銀漢真從天際下
青山似擁月華來
楚臣正值臺初上
謝客何妨賦更裁
却笑子猷空發興
扁舟容易夜深迴

遲鴻臺觀蹴鞠

蹋鞠臺前晚未休
儒生競作五陵遊
高林起鵲

寧因彈白日逢人不忘投指顧月臨金狄掌低
回星散玉峯頭因將戲劇看浮世變態無端一
轉眸

冬日西亭宗正以汪子見貽有古鏡史漢
古字之惠賦謝二首

大河南望古夷門書札翻然到漆園著作有聲
誰洛下交情無恙自王孫玄經語向侯巴見尊
酒文同李白論此日平臺看霽雪何人搦管集

華軒

王孫風致果誰如縞帶延陵意有餘古鑑螭龍
秦內府新書魚鳥漢東渠坐中徧贊侯生俠市
裏常停朱亥車無那懷人何所報至前梅柳未
全舒

許東中丞以汪詩客見貽報謝二首

大河冰凍雁鴻稀何得梁園一札飛看處瑤華
疑夢寐到來詞客見音徽西京紙貴新成草東
省人懷舊對薇計日屬車應過我一尊重敬舊
漁磯

連宵飛雪黯柴荆，薄暮裁詩苦未成。自是夜光
堪照乘，遂教明月失連城。黃河一葦懷人意，濁
酒經年戀別情。窠是中丞憐結社，詞壇遙借舊
牙兵。

再贈閻別駕

柴門長日罷逢迎，明府時來問耦耕。自是公餘
堪吏隱，不妨乘興結詩盟。汝南夜聚青天道，魏
水寒搖白雪聲。老我儘堪長對壘，為君新置五
家兵。

寄涇陽傅明府二首

紈扇摛詞愧未工，瑤華何意託飛鴻。虛從梁苑
誇明月，真自齊藩見大風。孤劒十年風雨外，雙
龍千里斗文中。酒杯虛負花前約，雲樹蒼々意
不窮。

為吏江鄉幾歲餘，一時驥步果誰如。奚囊半貯
吳都草，彩筆全收越絕書。良晤無緣來駟馬，神
交聊幸託雙魚。清時正爾須舟楫，物色看君入
禁廬。

贈劉廣文視篆黎陽

幾載風流擁絳紗更看領綬著聲華且將劉向
藜邊火來種河陽縣裡花羸馬英々凌雪渡角
巾冉冉逐風斜聲名竅是懸魚好橐裡行箴未
足誇

拱辰重起家北太僕贈別四首

十載棲遲漳水邊飛騰今藉主恩偏按圖不
索昭王駿數馬惟思石慶賢禁裏蓮花趨五夜
省中環珮感當年正逢萬國呼嵩日羨爾歡隨

行陛前

大河秋色正漫漫杯酒逢迎去住難白雪祇應
悲窻和青雲誰復憶彈冠鵬從傲吏談中起霧
自仙人掌上看醇謹由來歸萬石清時無事好
加餐

把袂無勞意黯然班生不用羨登仙但看禁闥
重來日喜是淮陽起卧年魏水揚舲遙見闕燕
山鳴珮入朝天遲鴻臺下同遊處揚子何妨獨
草玄

秋風初下大河干之子乘風試羽翰共指金門
還歲宿獨留漆水著漁竿海濱泊月濤聲急薊
闕排雲斗氣寒朝罷誰同燕市飲可知醴酒不
成歡

得陳本容書有懷魏氏昆季一首

聞爾停橈魏水濱謝家庭上挹芳塵握中但許
看明月領下無須問逆鱗刀色憑陵寧別駕斗
芒錯落自真人遙思抵掌論文處兩地交情合
有神

暑中寄答魏大見懷之作

咫尺何妨未識韓傳來詩句滿琅玕明珠魏氏
原稱寶白雪梁園故自寒且合文星歸穎上豈
應漁父老江干中原詞賦今寥落期爾同登上
將壇

秋日陳本容自南樂以魏大書兼詩扇至

夜坐賦此

五鹿行遊道路賒問竒重過子雲家別時黃鳥
初求侶到日芙蓉已著花幾向謝庭談寶樹遂

道遙園集選 卷之五 三百三
令野老託蕪陵遲鴻臺上論詩處細與清尊倒
月華

初得魏大擢漳德報志喜

誰道春明萬里餘 主恩早為出新除郡中法
從寧為薄柱下霜威漸已舒魏帝臺前堪索研
鄴侯架上可抽書逢迎不是君家事好向齋頭
賦子虛

得魏見泉李修吾遷南省報志喜

累見除書出建章清時誰不羨虞唐風塵北闕
雙鳴鳳雨露南天二省郎地古繁華看徃代官
閒彩筆試江鄉醉來共倚磯頭月却笑千年李
白狂

寄訊魏二懋權使秦中

風雲千里護旌干節使何知行路難桐葉剪封
來薊闕皇華銜命入皋蘭雞聲夜度千夫險馬
首途從一彈丸文雅如君無長物橐中惟草兩
都還

寄東昌李司理

一疏排雲意不勝清時長孺起相仍官非諫納
言方切名落塵埃價轉增濟水鳳聲還律呂斗
間虹氣故憑陵自憐授簡遙為賦已得龍門御
李膺

秋日與伯完登樓憶拱辰四首

樓成野圃氣全增與客携壺漫一登疊嶂排空
雲靉靄蒼虬遶戶樹騰凌平臨佛閣身疑往却
望田家興可乘獨有徵君今載道各天搖落意
何勝

樓外風雲迴不遮坐來身世隔繁華一亭野色
全為竹十畝秋光半在花明月已拚人共醉西
風還擬帽同斜天涯兄弟休憐我二子中原亦
自嘉

每憐多病借蒼藤此際雲霄共一升鳥下平蕪
翻落日僧來遠寺話傳燈青天霧盡星芒接紅
樹枝殘月色層無限登臨懷舊意逢人先問寄
書曾

別後行藏未可憑故人書札幾相仍空憐塵土

雙侵鬢豈意雲霄共撫膺
新埒築成遙繫馬荒臺
故在好呼鷹何來俠氣
還種種一咲天涯寄
五陵

嘲南樂陳子三失內子

十載元龍嘆各天書來
心事轉凄然芙蓉并蒂
三經兩鳳嘴成膠兩續
絃犢子幾堪吟麥雉裴
航翻苦遇仙緣定知鬚
髻時時黑酷似周郎弱
冠年

依韵答劉廣文病中思歸

早秋木葉未凋殘首宿
齋中漫自寬明月漸臨
飛鳥影白雲時護釣魚
灘馬稱千里寧終蹇琴
有高山豈罷彈环重榻
前搖落意一尊遲爾酒
杯歡

得許東公書感而賦此公
蓋以薦石公致歸而與
余兩人為雞黍之約云

隔歲音書此乍看故人心
事可長嘆連城壁剖人
曾泣明月珠存蚌已殘
豈有祁奚終望報自應
貢禹早彈冠范張莫更
訂雞黍翹首風雲命

駕難

許東携家避水中流有作賦此奉答

巨靈天外瀉銀潢一夜中州失大荒
潮勢捲城來灑瀕雷聲響地下瞿塘
逃身不避鼃鼉窟愛弟兼同旅鴈翔
自是張騫常泛斗中流無賴賦滄浪

成安兩蔡丈以劉生見貽而生談星命又
談兵也詩以贈之

飛來詞翰兩英英絕技遙傳日者名
信是輕肥歸蔡澤故應祿命問唐生
一尊晤語談雙璧九塞周遊話五兵
却咲行藏吾已分神君無奈野鷗情

得拱辰書遙謝大司馬張公二首

薊門搖落鴈行斜消息遙傳可自嗟
豈有塵埃藏寶劍虛勞斗氣望張華
千金未是駑駘價片雨能生鐵樹花
為道平生國士意藁臺不負是君家

北闕風雲特地生一時才俊復崢嶸
獨慚公子

通鑑綱目卷之五
卷之五
三十一
停車意未有夷門俠士名
蝴蝶漆園形已判
浮雲漳水意還輕
清朝但是饒公等
樵牧何妨詠聖明

余山人登城詩以調之

翩翩客子意飛揚
百雉城頭一振裳
水色瀟茫看瓠子
山光遠近見黎陽
北風鷹度龍沙外
晴日鷗盤大陸旁
莫謂武夷饒勝覽
中原故自有金湯

代歌兒自白

歌舞千場祗自憐
相逢已過麗人天
荷香秋冷全凋落
紈扇風高久棄捐
樂府有時翻舊譜
藍橋無夢結新緣
沾沾衣露何須訝
不是陽臺行雨還

兩後同余宗漢遊蘭若因憶石太僕得車字

兩後招提景自嘉
無煩屐齒踏烟霞
高人閩水遙同社
公子夷門一共車
已得詞場稱並駕
還從迷海問怕沙
不堪地主雲天外
老盡門前舊

種瓜

聞丘月林起家銀臺志喜

海上年來結鷺盟都門今識濟南生
平分清切來言署漸聽雲霄曳履聲
轅下解驂當日念墉邊彈隼舊時名
即今囊草無須看坐鎮惟宜屬上卿

擬與楊道行邂逅境上四首

千年無忌有高臺客子翩翩從騎來
病肺我慚工部向著書君自子雲才
淮南夜月清宵話河

朔風流白社杯佳會可令湮歲月永和擬共右軍裁

專城羨爾自齊封天假中原此會逢
野墅蕭條傳五馬延津風雨合雙龍
雄詞雪夜鷺池畔文彩南山桂樹重
家是大方饒勝語濡毛慚愧一相從

野館招攜湯一娛貧家何用借行廚
主人石慶堂還在弟子彭宣酒再呼
歲晚正憐黃菊放懷高翻畏綠尊孤
逢人不必傳詩草恐有聲名動

上都

文藻相如果並雄當場搦管意何窮
虛傳靡靡桑間調實有泱泱
大國風百里封疆搖筆外千
年騷雅解頤中論文倘謂吾堪與
遲爾詩郵可再通

擬與李伯丞符卿晤於境上

只尺龍門久未通
俄來杯酒一相同
功名右掖原稱長
詞賦中原故擅雄
射虎弓存還引月
談天舌在好生風
如君才力那能卧
明主常思

嬰鏢翁

擬再晤余宗漢明府

湖海行遊不厭頻
脩然兩度接芳塵
青尊已判漳河兩
白雪應回滌上春
幾向平原開戰壘
可知詞客倚征輪
歌兒無恙詩愁在
腸斷高臺月色新

得四槐王憲使書知有歸思又有太和之
遊却寄二首王先為吏部

幾年啓事見高才
領憲今看河上來
駉馬市中

臨俠士彩毫雪後向平臺盧龍霧色三秋盡南
斗星芒一劍開寂是名蹤堪寄興山陰未許子
猷廻

綈袍千里報行藏把對翻然意欲狂榻上留賓
還孺子車邊攬轡定元方東門兔在堪誰逐荀
氏星存可並光莫向隆中尋舊隱當年鼎足自
南陽

得助甫中丞書却答四首末首緣以弄影
瑤池相期故為解嘲

故人開府向天西夏孤城萬里懸白草原頭
看鴈陣黃河水上下魚戕清秋隴外霍渠轉煖
日柰林萬騎眠寂是綈袍今藉汝詞人不負繞
朝鞭

大漠雙旌未可攀書來劇為破愁顏西羌已值
全歸日右臂真當一斷間鷗影亂盤黃草塞虎
頭長嘯玉門關賀蘭山上石無限好為勒名意
氣還

黃金肘後羨崢嶸甲士雲屯驃騎營博望舊曾

通大夏韓公復此築降城陰山雪滿休兵日官
閣梅開飲至情取醉不須留幕佐穉穉自在卧
張卿

西來騷裏正翩翩弄影虛勞錦字傳伏櫪正當
彭澤日遊燕豈是劇辛年黃金價在羞重顧弱
水途長憚再還總謂知風能報主莊生已賦
馬蹄篇

與許東夜飲

月轉池臺夜色分殘杯相對語猶頻豈緣稼醴
能歡客自是張衡雅好文入座斗芒何處亂近
人花氣故氤氳明朝一葦成南北惆悵河梁日
暮雲

邂逅張助甫六首

一榻柴門久自懸何來意外下高賢才名東省
為郎日詞采西京作賦年命駕交情堪獨許聚
星往事訖仍傳塵埃已信逢知己流水從揮伯
子絃

汝南客至意何雄說劍談詩未可窮白眼東門

看狡兔青萍滄海試飛鴻叢臺地古餘殘日易
水秋深正北風此內無須論俠氣雙龍早已屬
張公

郭外俄停使者鞍相逢如夢轉相看歌連淇水
聲偏古賦自梁園雪不難代地澄清雄繡斧關
門鑰鎖壯泥丸感君脫畧浮名外千里驅車願
識韓

君家難弟復難兄遠道同為汗漫行十載懷人
勞夢寐一時拉掌足生平空門晤語天花色藝

館連床夜雨聲已分江湖成老大天教晚歲得
張卿

只尺黃河斷去蹤十年魂夢渺無從橐鞬虛擬
中原會旗鼓真憐此日逢錯落星文迴劍氣崢
嶸霞色起毫鋒明朝預憶河梁別惆悵行山萬
仞峯

詞客翩翩漳水東攜來弟子並稱雄八龍詎數
荀門盛二妙真餘阮氏風策本賢良名自起詩
傳池草句還工相隨謁我叢臺下負笈虞生未


可同

未首專
贈二阮

贈胡丞擢尹無極

海上英髦故不羣
爭誇佐治有聲聞
三年鳳息淇園枳
一日鳧飛大麓雲
秋水銀章瞻氣色
春風棠棣想氤氲
漢家循吏由來重
遲爾郎官早勒勲

逍遙園集選卷之五終



24962